

HISTORIJA

Međunarodni sporazumi sa vlastima u Republici Srpskoj i Federaciji zahtijevaju policijske snage od otprilike 8.500 i 11.500 pripadnika u svakom od entiteta. Oba entiteta su se obavezala da će učiniti svoje policijske snage u većoj mjeri multietničkim i ohrabriti regrutiranje žena. Međunarodna zajednica, tačnije IPTF, je uključen u rad na svakom aspektu regrutiranja, obuke, odabira i raspoređivanja policijskih snaga, a također koordinira međunarodnu donatorsku pomoć time omogućavajući specijalizovanu obuku i obezbjeđujući opremu i vozila.

Međunarodna policija Ujedinjenih naroda (IPTF) pruža obuku pod međunarodnim nadzorom, kako bi se pomoglo lokalnoj policiji da postigne najviše standarde obavljanja policijskih dužnosti na demokratski način.

Ministarstva unutrašnjih poslova u BiH trenutno traže pogodne kandidate za službu u multietničkim policijskim snagama BiH. U saradnji sa komesarom UN IPTF-a, Ministarstva žele ohrabriti policajce koji su raseljene osobe, i regrute, uključujući žene, da se prijave za ovu službu.



ŠTA JE POSAO POLICAJCA?

Na policajca se gleda kao na uglednog člana društva koji obavlja veoma zahtijevne dužnosti.

Policijski posao je **višestran**, a osnovni zadaci policajca su održavanje javnog reda i zaštita života i imovine kako bi se smanjili kriminal, neredi i strah.

Policajac uvijek mora biti u stanju pripravnosti usljed mogućnosti raznih prijetećih situacija, bilo onih od strane ljudi ili drugih izvora.

Ovaj posao pruža sigurnu budućnost Vama i Vašoj porodici. Ovisno o tome gdje izaberete da radite, osnovna plata će biti srazmjerna.

Nakon što budu izabrani za službu u policiji, mnogi policajci se specijalizuju za određeni aspekt provođenja zakona ili istražnih procedura.

KO SE MOŽE PRIJAVITI?

Kandidati:

- moraju imati najmanje 18 godina, i mada nema zvaničnog ograničenja godina, prednost će imati kandidati od 27 i manje godina starosti ukoliko **nemaju** ranijeg policijskog iskustva, te od 35 i manje ukoliko **imaju** ranije iskustvo;
- moraju imati završenu srednju školu;
- moraju biti državljani BiH;
- ne smiju imati dosije u policiji (osim manjih saobraćajnih prekršaja);
- za policiju Republike Srpske, ime kandidata mora biti na popisu stanovništva iz 1991. kao osobe stalno nastanjene na teritoriju Republike Srpske;
- za policiju Republike Srpske, prednost će imati svi kandidati ne-srpske nacionalnosti;
- za kantonalne policijske snage Federacije, prednost će imati Srbi.

Kandidati koji ranije nisu položili ispit, a sada žele još jednom pokušati, moraju se ponovno prijaviti.

KAKO SE PRIJAVITI?

Prijavni formulari, koji se mogu podići u bilo kojoj stanici UN IPTF-a, moraju biti popunjeni. Svaka IPTF stanica ima službenika čiji je zadatak da Vam pomogne.

Uz prijavni formular trebate priložiti:

- 2 fotografije veličine kao za pasoš
- Kopiju lične karte ili rodnog lista ili vozačke dozvole
- Kopiju srednjoškolske diplome ili potvrdu o posjedovanju diplome
- Kopiju stranice pasoša na kojoj se nalazi slika (ako je dostupno)

Kandidati koji se žele pridružiti policijskim snagama moraju navesti na prijavnom formularu gdje žele da rade – u Republici Srpskoj ili u nekom od kantona Federacije.

Ispunjeni formulari se moraju predati u stanicu UN IPTF-a u vašoj blizini, koja će prosljediti detalje Vašem Ministarstvu.

KADA SE PRIJAVITI?

Prijave za obje akademije prihvataju se tokom cijele godine.

ZAŠTO SE PRIJAVITI?

Posao policajca je zanimljiv i izazovan i nudi mnogo prilika da obogatite Vaše vještine.

Vaš posao nije samo posao – on može biti i karijera.

Povratak raseljenih policajaca je prioritet i odabrani policijski kandidati mogu ispuniti uslove za dobijanje pomoći za obnovu i povratak u svoje predratne domove.

PROCEDURA TESTIRANJA

Ministarstvo ili IPTF će stupiti u kontakt sa kandidatima koji budu odabrani.

Testiranje je samo za nove regrute. Odgovarajući kandidati će biti pozvani na dvodnevno testiranje.

Kandidati sa sobom trebaju ponijeti stvari za dva dana i sportsku odjeću, uključujući i patike, ličnu kartu ili pasoš i originalnu svjedodžbu o završenoj srednjoj školi. Kandidati koji su bili na operaciji ili liječenju trebaju ponijeti ljekarsko uvjerenje o svom trenutnom zdravstvenom stanju. Svim kandidatima će biti obezbjeđeno noćenje i hrana.

Testovi

Kandidati bez prijašnjeg policijskog iskustva trebaju proći:

- Intervju o općem znanju (teme mogu uključivati historiju BiH i osnovne policijske dužnosti);
- Intervju o psihološkoj spremnosti, sa doktorom, kako bi se procijenila Vaša lična stabilnost, zdravlje, itd.;
- Test fizičke spremnosti koji uključuje vremenski mjereno trčanje, sklekove, trbušnjake, dizanje na prečci, agilnost i testove koordinacije, itd. Kandidatima se preporučuje da nose šorceve za ovaj test;
- Ljekarski pregled koji obuhvata pregled krvi i urina, rentgenski snimak, kardiološki test, itd. Od kandidata se očekuje da budu u dobroj fizičkoj i zdravstvenoj formi.

Ovisno o raspoloživosti, kandidati koji prođu ove testove će biti pozvani da se priključe sljedećem kursu obuke kadeta na policijskoj akademiji.

OBUKA KADETA

Koliko dugo traje obuka kadeta?

Odabrani kadeti koji žele da rade u Federaciji pohađaće osnovnu šestomjesečnu obuku na akademiji FBiH u Sarajevu. Odabrani kandidati koji žele da rade u Republici Srpskoj pohađaće osnovnu šestomjesečnu obuku na akademiji u Banjoj Luci.

Ministarstva plaćaju za smještaj i hranu tokom ovog vremena. Nakon ovog perioda, uslijedit će šestomjesečna obuka na terenu.

Obuka kandidata će obuhvatati:

- javni red i mir;
- poštivanje zakona;
- zaštitu ljudskih prava;
- administrativne procedure;
- medije;
- krivična djela protiv ljudskih života i tijela, slobode i građanskih prava;
- mjere sigurnosti;
- interpol;
- saobraćaj i mnoge druge teme.

Ovisno o raspoloživim mogućnostima, uspješni kandidati će potpisati ugovore tokom perioda obuke i dobiti posao nakon završetka obuke.

Ukoliko već radite kao policajac, a želite da se prebacite u drugi kanton ili entitet možete podnijeti zahtjev, popuniti prijavni formular i, ukoliko zadovoljite sve uslove, IPTF će vam pomoći sa prebacanjem.



Ukoliko imate dodatnih pitanja...

Nazovite UNMIBH, Ured IPTF-a za odabir na tel: Sarajevo 496-577.

**RAĐUJEMO SE
VAŠEM POZIVU!**

PRISTUPANJE VAŠOJ LOKALNOJ POLICIJI

Želite li pristupiti policiji?

Da li ste se ranije prijavljivali, ali niste položili testove i sada želite ponovo pokušati?

Da li ste ranije bili policajac i sada se želite ponovo aktivirati?

Da li trenutno radite za policiju i želite biti raspoređeni u drugi kanton ili entitet?

Ako ste odgovorili sa

na bilo koje od
gore navedenih
pitanja, onda
nastavite čitati...

DA



Ured IPTF-a za odabir
tel: Sarajevo 496-577